



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Parallelia Geographiae Veteris Et Novae**

**Briet, Philippe**

**Parisiis, 1648**

§. 4. De terminis Europae recentioris.

**urn:nbn:de:hbz:466:1-13147**

Italia, pars Belgij maior, & Hispania Hæreſeos solæ effugere virus, & incendium. Religionis Europæ restes tot Episcopatus, tot Basiliæ, tot latifundiæ Ecclesiæ, & Christo addicta tanta Cœnobiorum multitudo; quæ tamen Hæresis, & perpetua comes hæreſeos improbitas non nihil detriuit.

POLITICOS denique Europæos esse docuerunt Hispani patrum nostrorum memoriâ, dum Imperium per totum Orbem effusum, & ex partibus adeò disiunctis concinnatum prudentiâ mirabili administrarunt, bellum in omnem partem, ipsi quieti, circumferentes. Quid melius institutum Venetorum Rep. qui veram reddidere adulationem Cyneæ, dum apud se tot Reges habent sapientissimos, quot Senatores. Bataui primùm pectorum rebellium turba, pertotum Orbem merces suas atque victorias magno Hispanorum damno sparserunt. Italis & Græcis obest nimia prudentia, quominus iniectas sibi compedes frangant. Quid autem possint in Reip. administratione Galli, nostra ætate magnus Cardinalis, vir multum, sed tamen nondum satis laudatus ostendit.

#### §. 4. De terminis Europæ recentioris.

EVROPÆ Nouæ non alij termini quam Antiquæ, quia tamen paulò aliter Geographi recentiores loquuntur, eos retractare hîc quoque iudicauimus.

A SEPTENTRIONE alluitur maribus Dano-Noruegico de Myrmanskou, & Deucaledonio Thé Dencalidon.

AB OCCIDENTE respicit Oceanum Occidentalem vulgo la grande Mer, ou au Ponant.

A MERIDIE Freto Gaditano stringitur, le deſtroit de Gibraltar, & Sinu Lugdunensi vulgo Golpho Leonino, Mari Tusco la Mer de Toscane, & Venetico Sinu, seu Mari Græco, le Golphe de Venise, ou la Mer de Grece.

AB ORIENTE denique Aegæo Mari l' Archipel, ou l' Archipelage; Helleſponto, le bras de S. George; Propontide, la Mer de Marmora; Bosphoro Thracio, le Canal de la Mer Noire; Ponto Euxino, la Mer Noire, ou la Mer Maiour; de reliquis terminis quadruplex opinio.

Prima est eorum qui Europam magis dilatant, & superioribus limitibus addunt Caucasum montem, hodie montes Mingrelit,

& Georgianorum, partem Caspij Maris ad ostia usque Iaich Fl. qui olim Rhymnus dicebatur, à cuius fontibus lineam dirigunt ad vicinorem Fl. Obij ripam, & reliquo Obio vtuntur ad Mare Septentrionale: ita Moschouitæ quidam ut ditionem suam omnem Europæ limitibus coercent.

Secunda est illorum qui Europam magis restringunt, & post partem Euxini Maris ad ostia Borysthenis, vtuntur eodem Borysthenæ vulgo de Nieper ad urbem usque Smolenskum, à quâ lineam trahunt ad fontem Fl. Chesini, tum eodem Fluvio, & duobus Lacibus Lagogâ, & Onega, & hinc productâ lineâ ad vicinorem ripam Sinus Granduici. Ita recentior Geographus, ut Moscouiæ ditionem totam adjudicaret Asia. Sed nihil egit, siquidem pars Regni Polonici ultra Borysthenem porrigitur.

Duae sequentes opiniones hoc habent commune quod post Euxinum Pontum, statuant Europæ limites Bosphorus Cymereum, le Canal de Caffa; Paludem Mæotidem, la Mer de Zebeké; & Tanaïm Fl. vulgo Don, sed cum hoc discrimine, quod

Tertia sententia vtatur tantum parte Tanaïs ad fossam usque Ka-  
moutz, eadem fossâ, Volgæ Fluuij parte, donec recipiat Volgam Orientalem vulgo Bella-Volga, à cuius capite, aut melius fonte Fluuij Vypæ in eum influentis, lineam promouent ad propinquiorum Obij Fluminis ripam, quem deinceps limitem Europæ præfniunt. Ita omnes Orteliij, & Cluuerij fautores.

Quarta verò eaque communissima totum adhibet Tanaïm, ad eius usque fontes, seu lacum vnde primùm erumpit vulgo Rezan-Koi-Osera, vel vt loquimur, le lac de Rezan; ex quo linea recta ducitur ad urbem S. Michaëlis Archangeli, ubi Duina Fl. in duo brachia scinditur, ut influat in Sinum Grandicum. Et eâ deinceps opinione in his Parallelis vtemur.

### §. 5. De variis linguis quibus iam vtuntur Europæ.

DIVERSITAS linguarum ista maximè profluxit ex populis Borealis in Europam Imperio Romano iam labante irrumpentibus, quas tibi præsenti Tabula repræsentamus.

LIN-	LATINA	Italica, Francica, Hispanica.
GVÆ	fiue Deus	